

# 73 sertai majlis hafaz al-Quran

**ALOR SETAR 3 Mac** - Sebanyak 73 peserta dari seluruh negara mengambil bahagian dalam Majlis Menghafaz Al-Quran Peringkat Kebangsaan Ke-36 yang diadakan di Dewan Kolej Universiti Insaniah (Kuin) di sini selama lima hari bermula kelmarin.

Ketua Pengarah Jabatan Kemanusiaan Islam Malaysia (Jakim), Datuk Othman Mustapha berkata, majlis berprestij itu menyaksikan penyertaan kesemua negeri yang akan

menghantar enam wakil bagi setiap kategori.

Beliau berkata, semua peserta yang menyertai majlis hafazan tersebut berumur di antara tujuh hingga 25 tahun.

"Sebanyak tiga kategori lelaki dan wanita dipertandingkan mengikut tiga tahap iaitu tahap satu melibatkan juzuk pertama hingga 10, tahap dua (juzuk pertama hingga 20) dan tahap tiga (pertama hingga 30)," katanya ketika berucap dalam

majlis perasmian pertandingan tersebut di sini malam semalam.

Majlis itu disempurnakan Menteri Besar, Datuk Seri Mukhriz Mahathir dan turut dihadiri Menteri di Jabatan Perdana Menteri, Datuk Seri Jamil Khir Baharom.

Othman berkata, pemilihan peserta bagi setiap negeri dipilih melalui saringan peringkat negeri masing-masing.

"Peserta akan dinilai oleh barisan 17 juri yang berkualiti dan berpen-

galaman dalam bidang hafazan.

"Para juri akan mengambil kira aspek kelancaran hafazan, hukum, tajwid, fasahah, suara, persembahan dan taranum," katanya.

Sehubungan itu, beliau menambah, orang ramai khususnya rakyat negeri ini dijemput menyaksikan majlis itu yang diadakan dua sesi iaitu sesi pertama bermula pukul 9 pagi hingga 12 tengah hari manakala sesi kedua dari pukul 8.45 malam hingga 11 malam.